

اولاسنی تخی ایدیورلر ... فکرلرینک اشتراک ایشدیکی ایکنجی برنقطه، ایتالانک سیاسته قارشى تورکیه نك سادده قوتله مقابله ومدافعه ایتمکده بولمیهسی، محاربه حاضره نك بر «قوت وسیاست محاربهسی» اولاسیدر. نهایت هرایی محرر، آوروپا سیاستنک صوک کونلرده کی تظاہراتدن استفادہ فرصتنک قاجیر پلامه سندهده متحددرلر. آتجی، الک هم و عملی اولان شو توصیه بی عمومیتدن خصوصیتہ کچیر برکن، تاریخ سیاسی. تخصصلرینک فکر ونظرلری بربرلرندن تماماً آیریلیور: احمد فرید بک «هابسبورغلرک محافظه کار قلجنندن» آلتی چیزه رک بحث ایدیور، د. ک افندی ایسه «انگلتره وفرانسه ایله تأیید مناسبات توصیه سنده بولندیمن زمان درلو درلو پولتیقه لر توصیه ایدنلر. بر جوق عقیق تجربه لردن صوکره، راعزه التحاق ایدنیلر، دیور. فقط بز حالا «اودرلو درلو پولتیقه لر» دییه استفافکارانه ذکر اولونان سیاستلردن بری توصیه ایدنلرزمزمه سندنلر واوزمزمده قالمق طوغری اولدیغنک دلیلده ینہ «صبح» سر محرر سیاسینک «زمان حاضر پولتیقه سی رشید پاشا، علی پاشا حق صفوت پاشا زمانلرینک حسابلریته استناد ایشدیربله من» حکمنده بولیورز ...

اقتصاد

۱۳۲۷ سنه سنک احوال مالیه سنه بر نظر

(دولنک یالکز موازنه مالیه سی دکل، موازنه اقتصادی سی ده دوشونک لازمده)

۱۳۲۷ سنه سی، مشروطیتک اعلانندن بری کچن دیگر سنه لره نظر آ مالیه خصوصنده دها فنا ایدی. بونکله برابر اونی بوسبوتون فنا عد ایتمک طوغری اوله ماز، کچن سنه ظرفندهده مملکتک اقتصادی حیاتنک هرجهتده اهمیتلی بر ترقی کورولمشدر.

مجلس مبعونان طرفندن قبول وتصدیق اولونان (۱۳۲۷) سنه سی بودجه سنده آتیده کی رقلر کوسترمشدر:

واردات : ۲۷.۷۵۵.۷۴۲ عثمانلی لیراسی

مصارفات : ۳۵.۳۱۴.۹۹۵

بودجه آجینی : ۷.۵۵۹.۲۵۳

اوزمان مالیه ناظری بولتان جاوید بك ، حقیقته دولت وارداتك بودجه
كوستریلن مقداردن دها زیاده اوله جغنی تخمین ایتش و مذکور وارداتك (۳۰)
میلیون لیرایه چیقاییله جکی و بودجه آچیشك لندیلكندن آزاله جغنی سویله مش
ایدی . فی الحقیقه جاوید بكك تخمینی عمومی برصورتده طوغیری چیقمشدر :
دها بودجه سنك تشرین ثانی نهایتنه قدر اولان طقوز آبی طرفنده دولت وارداتی
بكرمی میلیون لیرادن دها زیاده بر مقداره یعنی (۲,۰۲۲,۱۰۳,۱۶۷) غروشه
بالغ اولمشدی .

كانون اول وارداتی ، كچن سنه نك عین آبی وارداتنه نسبتله دون اولدینی حالده
سنه لك حساباره نظرآ ، (۱۳۲۷) سنه سنك دولت وارداتی اوتوز بر میلیون عثمانلی
لیراسندن عبارتدر . او حالده سنه نك نهایتکی ایکی آینك یعنی كانون ثانی و شباط آیلرینك
وارداتی تخمیناً یدی بحق میلیون لیرایه بالغ اوله بیلمش دیمكدر . بو عدد ظایت
بیوكدر . فقط شوراسی ده نظر اعتباره آلمیدر ، كه سنه نهایتنده دولت خزینه سنه
بك زیاده واردات كیرمكده در ، زیرا رزیدن بتون سنه ایچون توتون و تنباكو
حاصلاتی و قومانیالردن شمندوفر وارداتی آنچق سنه نهایتنده آلمقده در .

فقط هر حالده حكومتك وارداتیله مصارفاتی آره سنده ظایت بیوك بر فرق
قالیور . مزمن بر حاله كان بو بودجه آچینی حكومت وارداتك یوزده بكرمی
یشی ایله یوزده اوتوزی آره سنده طولاش مقده و شبهه سز ، دولتك اقتصادی
حیاتنه شدتلی بر تضیق اجرا ایله مكده و مملكتك اقتصادجه اوله جق ترفیسی
كوجلش دیرمكده در . بو سبیدن طولانی دولت مصارفاتك تنقیصی عثمانلی
حكومتده داخلدن و خارجدن مالیه متخصصلری و آوروپا مالیونی طرفندن توصیه
اولمقده در .

تورکیه نك تصرفه صوك درجه رعایت ایله مكه محتاج بولندیغنده شبهه یوقدر .
فقط تطبیقات ، بودجه ده یالکیز تصرفه موازنه حصوله کتیریلهمیه جکینی
كوسترمكده در . مشروطیت اداره بیوك مأمورلرك معاشلری خلیجه كوجلتمشدر .
(۱۳۲۴) سنه سی بودجه سنده حكمدار خانداننه ویران تخصیصات ایله ناظرلرك
معاشلری (۱,۴۵۹,۲۸۶) لیرایه چیقیدینی حالده (۱۳۲۶) سنه سی بودجه سنده

(۷۷۹.۳۳۳) لیرایه ایندیلمشدر، که آردده کی فرق همان (۷۲۰.۰۰۰) لیرا قدردر [۱]. فقط دیگر طرفدن مجلس مبعوثانک اداره سی ایچون تخصیصات ویرمک ودها بوکا بکزر صرفیاتده بولمق اقتضا ایلدی. اک مهم مسئله مملکتک ترقیه سنک صرفیاته محتاج بولمخه سیدر. مثلاً شمدوفر و مکتب مسئله لری اورتیه جیقیدینی کبی بونلرک هپسی ایچون پاره یه لزوم کوریلور. بوندن ماعدا عثمانلی حکومتی، دولت خزینه سنه طویلانان بتون وارداتی مملکتک احتیاجلرینه صرف ایدم یور: مملکت وارداتندن غایت بیوک برقسمنک دولت بورجلرینه ویرلمکده اولدینی اونودولمالیدر.

بورجلی اولان دولت، یالکز تورکیه دکلدیر؛ بوسکون بوتون آوروپا دولتری بورجلیدرلر؛ فقط صنایع و سرمایه لری زیاده اولان مملکتلرده، دولته پاره اقراض ایدنلرک داخلده بولسان یرلی بانک و سرمایه دارلردن عبارت بولمئسندن طولایی بورجه مقابل تأدیه اولان پاره لری نه داخلده قالیرلر. بناء علیه دنیا بیلیر که دولت طرفدن بورج ویا بورجک قاضی صورتیه اودمن پاره لرک مهم برمقداری مملکت داخلده قالدق داخلی تشبثانده استعمال اولور. فقط تورکیه ده ایش بویله دکلدیر. عثمانلی دولته پاره اقراض ایدنلر همان عمومیتیه خارجده یاشایان اجنبیلردر. بناء علیه عثمانلی حکومتک بورجه مقابل ویردیکی پاره لر هپ خارجیه یعنی اجنبی بانکلرینه آقوب کیدر. (۱۳۲۷) سنه سی بودجه سنده استقراض تأدیاتی اولمق اوزره (۶.۸۱۰.۶۷۷) لیرا تخصیص ایدلمشدر.

دولت طرفدن شمدوفرلرک اتمام وارداتی ایچون قوم بانیلره ویرلمکده اولان پاره لر یعنی تأمینات آقچلری دخی خارجیه کیتمکده در. بو مسئله صوک درجه حائز اهمیتدر؛ هرکس اجنبی سرمایه لرینک عثمانلی مملکته جلبی لزومندن بحث ایدیور. حال بوکه بز، دولت بورجلرینک تأدیاتی واسطه ییه تورکیه دن خارجیه جیقسان پاره لرک خارجدن ممالک عثمانیه یه کیرن پاره لردن

[۱] دولت عثمانیه ده یوز لیرا ویا ده زیاده معاش آلان ۶۹ مأمور ویرلیردن اون لیرایه قدر معاش آلان (۷۰.۰۰۰) مأمور موجوددر.

دها زیاده اولدیغنی کوریه سورز . بو تأدیاتک ضروری اولدیغنی آشکاردر .
 بونکله برابر شو حقیقتی ده کوروب کوسترمک لازمدرکه پاره لورک
 مملکتدن طیشارویه آقوب کیتملری ، مملکتده صنایع جسیمه نك ده
 ترقیسنه مانع اولیور . بوکا قارشى ، مرور زمانله مملکتده صنایع جسیمه ترقی
 ایدوبده تورکیه دها زیاده کسب ثروت ایلدیکی زمان دولت عثمانیه نك مملکت
 داخلنده استقراض ایتسی ممکن اوله جق وبو صورتله دیون عمومیه نك تأدییه سی
 ایچون ویریله جک اولان پاره لر مملکت داخلنده قاله جقدر ؛ دینیله ییلور . فقط
 موضوع بحثمز اولان اصل مسئله ، ایلریده تورکیه بر صنایع مملکتی حالته
 کلدکن صکره نهلر یاییلوب یاییله میه جقنده دکلدنر ؛ بلکه دولت عثمانیه نك ترقی
 اقتصادیه سی تسهیل ویا اشکال ایتمکده بولتان قوت وعامللرک نعدن عبارت
 اولدیغنی ونه صورتله استعمال قیلنمقده اولدیغنی تعین ایتمکدر . بزم استخراج
 ویا یضاح ایتک ایسته دیکمز حقیقت اقتصادیه دولت عثمانیه نك آوروپا ايله اولان
 مناسبات مالیه سی ومناسبات مذکورده نك تورکیه ترقی اقتصادیه سی اجرا ایتلکده
 اولدیغنی تأثیرلری ایچیه آ کلامق ایچون یک زیاده حائر اهمیتدر . مملکتده
 صنایعک ترقیسی ایچون آوروپا ايله مناسباتده بولنق ضروریدر . آوروپا سرمایه
 دارلرینک ترکیایه پاره ویرملری ، بر طاقم افکار وحسیات انسانیتپرورانه
 سائقه سیله دکل ، ویردکلری بو پاره لر واسطه سیله ینه کندی ثروت وقوتلرینی
 تزئید ایتلک مقصدیله اولدیغنی ده یک معلومدر . حال بویله اولنجه بری تورکیه نك
 خاندنیه سی دیگری ضرورینی موجب اولق اوزره ایکی جریان حصوله کلیور ، دیمکدر .
 آوروپا مالیه سی ، دولت عثمانیه یه اقراض ایتدکلری آچه واسطه سیله دولت مشار
 الیهایی کندی نفوذلری آلتیه آلفده درلر . تورکیه نك جهت مالیه ده اولان
 اسارتی مملک عثمانیه ده ترقیسنه مانع اوله جق بر درجه یه کلشنر .

عثمانی دولتک بورجلری ، اسکی اداره دن قلمش بر میراندنر . آ کلاشیلدیغنه
 کوره ، اداره مطلقه ، مملکتده قوای اقتصادیه یی ترقیدن محروم ایتمکله قالمیوب
 تورکیه نك باشنه دها بیولک بلالر آچش ، تورکیه یی آوروپا بانقه لرینه اسیر کبی
 زنجیرلرله باغلامشدر . اکر آوروپا دن آلتان پاره لر ملتک احتیاجلرینه صرف

ایدیش اولسه ایدی بوکون تورکیه ایچون شبهه سز، دها فائده لی نتیجه لر حصوله کلیردی . آوروپا دن استقراض صورتیه آلتان میلیونلر ، مملکتده تیمور یوللر ، معارف ملیه ، زراعت و صنایع اوغورنده صرف ایدیش اولسه ایدی ، بوکون دولت عثمانیه دها زنکیین برحاله بولنور ودها ای بر بودجه مالک اولوردی ، که بو سایه ده بورجلرک تأدیه سی ده اوقدر بر آغیرلق حس ایتدیرمزدی . فقط آوروپا بانقهرندن استقراض اولنان پارلر ، یاغیر متمر ایشلره صرف ایدیش و یاخود طوغرودن طوغری به اسراف اولمشدر . تیمور یوللر ، مکتبلر ، زراعت احوالی اصلاح ایدمک تدابیر کبی امور متمر به یک آرز باده صرف ایدمشدر . ایشته بونک نتیجه سی اوله رقی مملکتده سرمایه مفقود اولدینی حالده بورجلر ایچون جوق قاض اوده مک لازم کلیر .

تورکیه صناعی ، ترقینک هنوز باشلانمیشده بولندینی حالده عثمانلی دولتی آغیر بورجلری یوکلنمش بولنور . بو سببدن طولانی بکی استقراضلر عقد ایدلدیکی زمان غایت دقتی طاوور اتمق استقراض ایدیله جک پارلری بالخاصه امور متمر و مدنییه صرف ایلمک لازمدر . اسکی اداره مک مهارت مالییه سی ، استقراض عقد ایتک و بورجلرک تأدیه سی ایچون وسائط تدارک ایتکدن عبارت ایدی . بواسول مملکتک اقتصاداً محو فی انتاج ایله ر .

مملکتک بالکمز موازنه مالییه سی دکل موازنه اقتصادیه سی ده دوشونمک لابددر . موازنه اقتصادیه تأسیسند اصل مسئله ، فقیر اهالیدن ممکن مرتبه دها زیاده ویرکو آلمقدن عبارت اولمایوب بتون اهالینک قوای اقتصادیه لرینی تزئید ایتکدر . اهالی کسب ثروت ایدنجه کندیسندن طویلانه جق ویرکولرک مقداری ده شبهه سز آرته جقدر . بوکون دولتک ترقیجه اولان احتیاجلرینی مملکتک وارداتی و اهالینک ویرکو ویرمک خصوصندمکی اقتدارینی نظر دقته آلمق لازمدر . حیات مملکتده بتون مشکلاتی هر زمان ایچون دفع ایدمک کبی بر قاعده وضع ایدیله من . مردلو تأثیراتی نظر اعتباره آله رقی کاهون طریق اختیار ایتک لازمدر . ذاتاً اداره دولته ال بیوک مهارت بوندن عبارتدر .

بودجه ده کوستریان (۲۷۰۸) میلیون وارداتدن بورجلره ویریلن مقداری
 جیفاردیغمز کبی حکومتک انده آنجق یکریمی بر میلیون لیرا قالیور .
 مشروطیت اداره زماننده امور مالیه ده کوریلن اییلک تصرفدن دکل ،
 وارداتک آرتمئسندن ایلری ککشدیر . اکر بوکونکی دولت وارداتی ، (۱۳۲۵)
 سنه سنده کی واردات درجه سنده قالمش اولسه ایدی ، بوکون بودجه آجینی
 اون میلیون لیرایه بالغ اولوردی . فوق العاده مصارفاتی ده بوجسابه قاتمورز .
 دولت وارداتک آرتمشی ، اداره ده کوستریان اصول ، انتظام و فعالیتدن
 واقلا ب نتیجه سی اوله رق مملکتک عموماً اقتصادی حیاتنده حصوله کان
 فعالیتدن ایلری ککشدیر . سیروحرکانک سربست اولسی ، اهالینک شهر وقصبلره
 آقین آقین کیتملرینی انتاج ایلمش ، انشاآت خصوصنده کی فعالیتک تزیایدینی
 موجب اولمش ، کوی محصوللری مشتریلرینک آرتماسنه خدمت ایتمش بونک
 نتیجه سی اوله رق ده کوی زراعتک توسعه یاردم ایلمشدر . بوندن ماعدا احوال
 روحیه ده حصوله کان تبدلده اهالینک امور اقتصادیه ده کی قوای تشبیه لری
 تزیید و توسعه خدمت ایتمشدر .

قوة تشریعیه واسطه سیله اصلاح اولنان ویرکو مسققات ویرکوسیدر .
 اصلاح اولنان بو ویرکو ، کچن سنه طرفنده واسع برصورتده تطبیق ایلمش
 ایسه ده بوخصوصده میدان کان نتیجه امید اولندیغندن بک اوزاقده قالمشدر .
 کچن سنه بودجه سنک یالکز طقوزآی ایچون کوستریلن حسابنه کوره مسققات
 ویرکوسی داخل اولدینی حالده بتون املاک ویرکوسندن حاصل اولان واردات ،
 (۴،۴۶۱،۷۸۰) غروشندن عبارتدر . حال بوکه حکومت ، املاک ویرکوسنک
 (۲۲) میلیون غروشه جیقماسنی امید ایلمکده ایدی .

او صاحب لری مسققات ویرکولرینی منتظم تأدیه ایتمه مکده درلر . (آ . هاید
 بورن) نک تورکیه مالیه سنه حاند بولنان اثرینه باقیلیرسه ، یالکز استانبولک
 مسققات ویرکوسندن تراکم ایدن بقایا (۳،۶۲۷،۶۹۵) عثمانلی لیراسنه بالغ
 اولمقده در . خانه ، دکان و مغازه صاحب لری ، مستأجرلرینه هیچ آمان ویرمدکلری
 حالده کندیلری دولتک لطف و مسامحه سنندن بک واسع بر صورتده استفاده

ایلمکده درلر . ویرکو بقایاسنک درسعادتنک اقسام مختلفه سنه نه صورتیه تقسیم
ایدلدیکنی تدقیق ایتنک حائر اهمیتدر . بوخصوصده استحصال اولنان معلوماته
سنظر آ :

بک اوغلنده	۱,۳۰۸,۲۰۰	عثمانلی لیراسی ویرکو بقیه سی
استانبولده	۹۴۴,۲۵۶	" " "
اسکدارده	۳۷۵,۲۲۹	" " " قالمشدر .

غریب د کلیدر ، که اک زینکین بولنان بک اوغلی جهتی ویرکو خصوصنده
مدولته دیکرلردن دهها زیاده بورجلیدر ؟ فضله اوله رق بک اوغلنده کی بئالک
برقم مهمی هیچ برویرکو ایله مکلف اولمیان اجنبیلره عائددر .

سنه حالیه نک صوک آیلری انساننده ممالکتنک اقتصادی حیاتی محاربه حاضره نک
تأثیر آلتنده بولنمشدر . مذکور محاربه نک احوال مالیه اولان تأثیر ، مصارقات
حربیه دن ماعدا طرابلس غرب ویرکو وارداتنک آله مامسندن ده ایلری کلشدر .
بوندن ماعدا ادخالنک آزالمی سببیه کمرک وارداتی ده تناقص ایشدر . محاربه دن
مملکتنک اخراجاتی ده ضرر کورمشدر . مثلاً ایتالیا نک توتون شرکت انحصاریه سی
شمدی به قدر ممالک عثمانیه دن آلمقده اولدینی کلینلی مقدارده توتونلری بوکون
آله مامقده در . بو حال یالکیز قواله دن برنجق میلیون کیلو غرام دهها آز توتون
اخراج ایدلمسنی انتاج ایشدر . خام ایپک وقوزده اخراجاتی ده آزالمشدر .
زیرا ایتالیا حکومتی ، تورکیه دن کان بومواد تجاریه دن غایت یوکسک کمرک
رسومی آلمقده در . ایتالیا حکومتنک اتخاذ ایش اولدینی بوتدییرلر تورکیه دن دهها
زیاده ایتالیا به ضرر ویرمکده در ، زیرا کندیس کرک توتون و کرک خام ایپک لری
دهها یوکسک فیات ایله آلفه مجبوردر .

محاربه نک ایقاع ایلدیکی ضرر وزیانلر ، مناسبات صلحیه تجدید ایدلدکدن
مسکوره قیصه برمدت ظرفنده تلافی اوانه جضدن اوقدر حائر اهمیت دکلدر .
لکن (۱۳۲۷) سنه مالیه بودوجه سنده محاربه حاضره ایله هیچ برمناسبتی
بولونمایان فقط ایلریده تورکیه نک ترقی مالیه و ممالک عثمانیه نک احتیاجات

اقتصاديه سى ايچون صوك درجه حائر اهميت اولان ديكر بر حادته مشاهده ايلمكده در. بو حادته ، اعشار و ير كوسنك تزايدنده اولكى سنه لره نسبة بر توقف كورولسندن عبارتدر .

كچن سنه ماليه نك اون بر آي ايچون كوستريلن حسابيه كوره ، اعشار و ير كوسى اولكى سنه لره آتيدى كى نسبتده بولمقده در :

۱۳۲۷ سنه سى	۱۳۲۶ سنه سى	آزاده كى فرق
حبوبات ، زيتون } ۶۵۴,۶۱۰,۱۰۰	۶۳۶,۸۰۹,۶۵۰	+ ۱۷,۸۰۰,۴۵۰ غروش
وسايره اعشارى }		
توتون اعشارى	۵۵,۴۳۸,۶۵۰	+ ۳۷,۴۱۶,۹۵۹
ايك اعشارى	۲۰,۵۱۶,۸۹۸	- ۲۰,۷۱۷,۱۴۶
		۲۰۰,۲۴۸ غروش

يالكيز توتون اعشارنده بيوجك بر تزايد حصوله كمشدر . اييك اعشارى اولكى سنه يه نسبة تناسقص بيله ايتمشدر . بو خصوصده باشليجه وارداتى تشكيل ايدن حبوبات ، زيتون ، پاموق ، سبزه وات وسايره اعشاريدر . بونلرك اعشارنده كى تزايد هيچ متابه سنده در ؛ زيرا دها اولكى سنه وقوع بولان (۶۳۶,۸۰۹) ميليون غروش تزايد نظر آشمديكى (۱۷,۸۰۰) ميليون غروشلاق يعنى يوزده اوچ نسبتده تزايد قاله بيله آله ماز . كچن سنه لرده حبوبات ، زيتون و الح اعشارى هپسندن زياده آرمشدى . حبوبات ، زيتون و الح دن آلان اعشار واردات دولتك اساسنى تشكيل ايلمكده در . عين زمانده مواد مذ كوره دن حصوله كلن واردات ، حيات اقتصاديه مليه نك اك برنجى اساسنى تشكيل ايلمكده در . اعشار و ير كوسنك طرز توزيعنده هيچ بر تبدل حصوله كلامشدر . بناء عليه اعشار وارداتنده كوريلن توقف ، استحصالات زراعيه ده توقف وقوعندن ايلرى كمش ديمكدر . بونك نهدن ايلرى كلديكى تتبع و تدقيق ايتك صوك درجه حائر اهميت بر مسئله در . بوكون بز مسئله نك يالكيز بر مهم نقطه سنى نظر دفته وضع ايدورز : بر قاج سنده برى اولدينى كى كويليلرك دها زياده و يركو و ير مكده اولدقلىرى كوره رك و ير كولرك بو صورته يعنى كندى كندينه تزايدىنى اميد ايتك معقول دكلدر . كويليلردى قوه اقتصاديه نك آرتماسنه جاليشمايدر . كويليلردى قواى اقتصاديه نك

جانلانمى ، دولتک منافع مالیهى ایچونده ضروریدر . حال بویله اولنجه بى ،
دولتک بورجلىرىنى تدقیق ایتدیگمىز زمان استخراج ایتدیگمىز نتیجهیه بورادده
واصل اولیورز : اداره امور ایدنر بالکىز دولتک موازنه مالیهى رکل ،
اوندیه دها زیاده اهمیتده مملکتک موازنه اقتصادیهى درشورمیلیرلر ...

یاردرس

سیامت

آلتایله طوغری

(باشی ۱۲ نجی صاییده)

اوده سایه یاقلاشیوردق . واپورمزده فعالیت آرتدی . بر طرفدن یولجیلر
اشیالرینى طویلامقله ، دیگر طرفدن طائفه لر واپوری تمیزلمک و تخییر
ایتمکله مشغول .. ایکی کون اولیسی استانبول لیاننده واپورمىزک هر طرفی
قارمه قارشیق ، یم پیس ایکن بوکون کمال اعتنا ایله تمیزلندی ... آرق اوده ساتک
بویوک بنالری کوریلوردی ؛ هله دارالفنون ، بلدیه دائرهسى ، بلدیه کتبخانهسى
تیاترو و کلیسالر پک اوزاقدن سچیلیمکله باشلامش ایدی .

لیانه داخل اولیوردق ؛ دها توقف ایتمدن روس صحیه مفتشلى واپورمه
کیردیلر ؛ ابتدا یولجیلری معاینه ایتدکدن سوکرا واپورک هر طرفی ،
آبدستخانه لرینى ، آببارلرینى ، قاره لرینى کمال اعتنا ایله نظر تفتیشدن کیردیلر .
چوق بکمدی ، کمرک مأمورلری ده کلیدی . سوکره واپورمزده طوردی .
یولجیلرک اشیالری هب کوکرتیه جیقاریلش ، ایشچی و طائفه لرده صره ایله
بر طرفه دیزلمش ایدی . روس کمرک مأمورلری ، واپوک قبودانی ایتمش کی
خصوصی قارالرک قاپولرینى کندی اللریله کلیدلیدیلر ، آببارلری ده کمال اعتنا
ایله مهرلیدیلر . (اونومایکىزکه واپور ، آوستریا باندیره لیدر .) سوکرا طائفه لر
صالیویریلدى ، نوبت یولجیلره کلشیدی . باوولار ، سبتلر ... هب بربرر آجیلیور ،